

Nagrađeni na regionalnom konkursu za najbolju neobjavljenu bajku 2020.

Veliku pažnju bajkopisaca iz regije privukao je i ovogodišnji FEDU-ov međunarodni konkurs za najbolju neobjavljenu bajku za književnike i učenike osnovnih škola, a bajke je ocjenjivao žiri čiji su članovi poznati pisci za djecu – Slavica Lončarić iz Hrvatske, Draško Došljak iz Crne Gore te iz Bosne i Hercegovine Mirsad Bećirbašić (predsjednik žirija), Šefik Fiko Daupović i Lidija Pavlović-Grgić.

Među pristiglim bajkama našle su se one koje mirišu na legende iz memorije naših predaka, bajke u kojima se osjeti duh klasičnog bajkopisanja ali i neupitna originalnost i vještina autorica i autora, priče sa bajkovitim elementima posuđenim iz modernog doba, a, prije svega, bajke čiji autori oduševljavaju vještinom i originalnošću stvaranja kroz koje odjekuju univerzalne poruke svim generacijama čitatelja.

Prvo mjesto u kategoriji književnika osvojila je „Lucijina svjetiljica“ **Đurđice Stuhreiter** (Hrvatska), priča stanovnika jedne maštovite livade, čije svjetlo može oplemeniti i međuljudske odnose potičući na dobra djela. Drugonagrađena „Priča o škrtom bogatašu“ **Rize Džafića** (Bosna i Hercegovina) u maniru legende iz riznice mudrog starca opominje i u sjećanju ostavlja živopisne slike. Treća nagrada pripada bajki „Ribarevo posljednje blago“ **Igora Knížeka** (Hrvatska), koja kroz ribarsku pustolovinu toplo i duhovito govora o samo naoko običnim temama.

I učenička kategorija ima svoje laureate. Najbolji rad je „Vituljak“ **Leile Russell** (IV. osnovna škola Mostar, Mostar), bajka koja će čitatelja osvojiti ljepotom napisanog i porukama. Bogatu maštu i spisateljski dar pokazali su i drugonagrađeni **Ahmed Čengić** (OŠ Safvet beg Bašagić, Breza) za „Bajku o Stjenovitom kraljevstvu“ i **Mihaela Jerkić** (KŠC Sveti Josip, Sarajevo) za „Obećanje vječnosti“, kao i trećenagrađeni **Elli Kristić** (KŠC Sveti Josip, Sarajevo) za „Bajku o bojama“.

Pohvale „Vilenjakovo pero“ i knjige istoimene edicije dobili su: **Asja Hadžić** (OŠ Husein ef. Đozo, Goražde), **Una Fifić** (OŠ 5. oktobar, Sanski Most), **Amina Nurkić** (Prva osnovna škola Živinice, Živinice), **Emana Tabaković** (IV. osnovna škola Mostar, Mostar), **Almedina Bujak** (OŠ Mak Mehmedalija Dizdar, Sarajevo).

Nažalost, nagrade ove godine nisu novčanog karaktera jer je obećana podrška dosadašnjih sponzora i pokrovitelja izostala radi postojeće krize.

Fahrudin Kučuk
direktor Festivala dječije umjetnosti